

*Minister Otmar Oduber cu triunvirato***Posibel solucion na impasse entre SAC y gruponan di carnaval**

ORANJESTAD – Minister encarga cu Cultura, Otmar Oduber, a purba di intermedia riba e impasse cu ta tumando lugha entre e gruponan di carnaval y SAC (Stichting Arubaanse Carnaval).

Esaki a sosode durante un reunion cu e mandatario tabata tin hunto cu directiva di SAC, pa asina discuti riba varios punto cu a bin ta tumando lugha y e criticanan for di diferente banda riba e fundacion aki.

Problema di varios aña

Minister Oduber a duna di conoce despues di e reunion, cu tin un problema hopi serio cu ta andando pa varios aña y a yega na tal punto cu nan a haya mediante un abogado un notificacion di tur grupo cu a participa den Carnaval 60 cu excepcion di uno, cu nan no ta dispuesto pa continua di e forma cu ta tumando lugha y cu no lo participa mas den Carnaval di Aruba si esaki mester wordo dirigi pa

SAC bou di e constelacion cu tin na e momentonan aki. Na final di mei Minister Oduber a reuni cu e gruponan di carnaval y a ricibi un carta, cual a wordo ratifica na su persona. El a pidi nan pa argumenta e puntonan pa mira kico ta e rol cu Gobierno por tin, pasobra ta papia di un organizacion di Carnaval di mas di 60 aña y cu no sin mas por bisa cu no por traha mas hunto.

Dialogo

Mirando cu e gruponan di Carnaval a bisa cu nan no ta mira con por sali for di e impasse aki, Minister na un forma hopi habri a papia cu SAC y a propone un posibel solucion pa por purba pone e dos grupo aki na mesa bek mediante un triunvirato cu e mandatario lo nombra si nan bay di acuerdo cu e ponencianan cu el a trece dilanti.

Di parti di SAC, nan a pidi e titular di cultura pa bay bek den nan seno cu e proposicion aki, cu e palabracion cu pa otro siman diamars, nan lo

proximo temporada di carnaval.

Posicion neutral

Minister Otmar Oduber a bisa cu no lo bay drenta un Carnaval cu den porta di dje tur sorto di discusion ta tumando lugha, cual e biahha aki ta pio cu cualkier otro aña. Aki el a bisa cu el a distancia su mes for di su grupo di Carnaval cual tampoco ta forma parti di gruponan di Carnaval Uni y esaki ta haci cu e por tuma un posicion hopi neutral y mira kico ta miho pa un di e aspectonan principal di nos cultura.

Loke si Oduber a pidi como titular di cultura, ta pa independiente di e decision cu lo tuma despues di 15 di september, mirando cu tin un proyecto pariba di brug cu



mester manda un carta bek pa e ministerio cu nan contesta si nan ta dispuesto pa cumpli cu e ponencianan cu a wordo trece dilanti pa pone e dos gruponan na mesa mediante un triunvirato cu lo mester duna un contesta dentro di 2 siman di tempo.

Intencion ta pa mas tarda 15 di september tin un decision den ki direccion lo bay como Minister encarga y kico el lo conseha minister di asuntonan general pa loke ta trata e tenedo di permiso di e

a wordo realisa pa minister Mike de Meza, esta e Carnaval Village, pa tur actividad di Carnaval wordo organisa eyan. Esaki ta conduci cu por baha gastonan di e organizadonan y ta conta cu un facilidad cu por haci uzo di dje.

E mandatario a duna di conoce cu e tin e confianza cu sano huicio lo prevalece y cu ambos grupo lo sinta na mesa na bienestar di nos Carnaval y ta bisa si cu Carnaval 61 ta on y miho cu 60! □